

Акафист Пресвятой Богородице пред иконой «Взыскание погибших»

Кондак 1

Возбранной Воеводе, Царице небесé и земли, даровавшей нам пречудную икону Взыскующую, благодарственное приносим пение. Ты же, яко благосердая Мати, не отрини нашего сего моления, но благоволи прияти е, и сподоби вопити Тебе тако:

Радуйся, Благодатная Богородице Дêво, всеблагая Мати, взыскующая погибáющих.

Икос 1

Ангельский услýша глас святáя Анна, вещáяй: зачнèши и родиши Дщерь, преблагословенную Марíю, о Нейже благословя́тся вся колéна земна́я и приидет спасéние всему́ мíру; мы же, сиé вèдуще, возопи́м Богородице:

Радуйся, Мати Сы́на Бóжия; радуйся, пренепорóчная Дêво.

Радуйся, Спа́са душ на́ших роди́вшая; радуйся, Невместíмага вместíлище.

Радуйся, к смéртным благоволенíе; радуйся, смéртных к Бóгу дерзновéние.

Радуйся, честнèйшая херувíм; радуйся, слáвнейшая без сравнèния серафíм.

Радуйся, áда и смéрти попрáние; радуйся, вéчныя жízни даровáние.

Ра́дуйся, Благода́тная Богоро́дице Де́во, всеблагáя Ма́ти, взыску́ющая погиба́ющих.

Кондак 2

Ви́девше святíи Твои́ родите́лие Иоакíм и А́нна, я́ко Ты еси́, Пречи́стая, плод благослове́нный, возблагодарíша Бо́га, и пред двéрьми хра́ма положи́ша о́бёт посвятíти Тя Го́споду, пою́ще Ему́: Аллилу́иа.

Икос 2

Ра́зум соверше́нный стяжа́ла еси́, Богоро́дице, воспита́вшись во святáя святы́х, та́ко же не престáни умудря́ти и просвещáти све́том богоразу́мия и вся христиáны, вопию́щая Ти такова́я:

Ра́дуйся, к богопозна́нию приводя́щая; ра́дуйся, к све́ту истины прельще́нных обраща́ющая.

Ра́дуйся, страх Бо́жий в сердца́ вселя́ющая; ра́дуйся, благоговéти пред святы́нею науча́ющая.

Ра́дуйся, ре́вностию ко спасéнию воодушевле́ющая; ра́дуйся, хра́мы Бо́жии почита́ти внуша́ющая.

Ра́дуйся, в них отра́ду находíти вдохновля́ющая; ра́дуйся, жа́жду Свята́го Причаще́ния возбужда́ющая.

Ра́дуйся, ве́ру и любóвь к Бо́гу воспламеня́ющая; ра́дуйся, чистоты́ и целому́дрия побóрнице.

Ра́дуйся, Благода́тная Богоро́дице Де́во, всеблагáя Ма́ти, взыску́ющая погиба́ющих.

Кондак 3

Сїла Вѣшняя осенї Тя, Благодѣтная, егда архангел Гавриїл благовествованїе о безсѣменном зачатїи из Тебѣ Сына Божїя Спасїтеля мїру принесѣ; Ты же, прїявши сїю благоую вѣсть со смиренїем, яко раба Господня, возопїла еси Бѣгу: Аллилуїа.

Икос 3

Имущи во утрѣбе Христѣ Жизнодавца, востекла еси, Благословенная, к южице Своей, праведней Елисаветѣ, и целоваетеся обе матери, радуящеся о Бѣзе Спасѣ нашем. Сего ради, яко истѣчнику святѣя радости, вопїем Ти сїце:

Радуйся, тяжкое житїе наше облегчающая; радуйся, лютыя беды и напасти отгоняющая.

Радуйся, от душевныя туги и унынїа спасающая; радуйся, испытанїа Божїя за благо прїимати указующая.

Радуйся, в самѣх страданїих утешенїе подающая; радуйся, яко Тобою доброе желанїе наше исполняется.

Радуйся, яко Тобою злая начинанїа наша пресекаются; радуйся, огнем Матернїа Твоея любви души верных согревающая.

Радуйся, благодатию Святаго Духа нас озаряющая; радуйся, всех скорбящих и угнетенных Мати благосердая.

Радуйся, Благодѣтная Богородице Дѣво, всеблагая Мати, взыскующая погибающих.

Кондак 4

Буря недоумения смущает мне ум, како возмогу недостойными устны восхвалити Тя, Пресвятая Дево, за Твое великое нам вспоможение; темже, величая неисчетныя Твоя милости, смиренномудренно пою Вседержителю Богу: Аллилуиа.

Икос 4

Слышаша вифлеемстии пастырие ангелов, поющих Христово Рождество, текше к пещере, обретоша тамо Богородительницу, на руках держащую Предвечнаго Младенца. С ними в веселии духовном и мы Тебе, яко общей Матери, глаголем тако:

Радуйся, младенцев воспитание; радуйся, отроком смысла подательнице.

Радуйся, добрых дел величие; радуйся, возрастных мужей премудростию обогащающая.

Радуйся, жизнь смирением и кротостию наделяющая; радуйся, старцев благоговейных сладкое успокоение.

Радуйся, стариц благолюбивых тихое прибежище; радуйся, честных браков устройство.

Радуйся, благочестивых семейств благословение; радуйся, девства похвало и возвышение.

Радуйся, Благодатная Богородице Дево, всеблагая Мати, взыскующая погибающих.

Кондак 5

Боготечною звездою являешия, Царице Небесная, всем под кров Твой всемо́щный прибега́ющим и непреста́нно во умиле́нии серде́чном вопи́ющих Бо́гу: Аллилу́иа.

Икос 5

Ви́дя пра́ведный Симео́н Тя прише́дшую с Младенцем Иисусом во хра́ме предста́витися Го́сподеви, рече́: Тебе́ Самой ду́шу ору́жие про́йдет, проразумева́я Ма́терняя Твоя́ страда́ния о Сы́не Твоём Божество́ннем. Сего́ ра́ди зове́м Ти:

Ра́дуйся, рабо́в Бо́жих осмеива́емых ободрение; ра́дуйся, стоя́щих за пра́вду защи́щение.

Ра́дуйся, терпели́вых страда́льцев предвкуше́нием блаженства на небеси́ улажда́ющая; ра́дуйся, сердца́ злых люде́й, вражду́ющих проти́вная, умягча́ющая.

Ра́дуйся, сове́ты лука́выя и кова́рство их разоря́ющая; ра́дуйся, от разбо́йников на пути́ нас охраня́ющая.

Ра́дуйся, Благода́тная Богоро́дице Де́во, всеблагая́ Ма́ти, взыску́ющая погиба́ющих.

Кондак 6

Пропове́дницы Твоея́ благода́тныя по́моци все мно́жество Тобо́ю спасе́нных есть: стра́ждущии, боля́щии, скорбя́щии и грехми́ обремене́ннии, благодарственно о Тебе́ вопи́ющии к Бо́гу: Аллилу́иа.

Икос 6

Возсия божественный свет во Египте и падоша тамо идоли, егда бежала еси, Пречистая, с Богомладенцем Иисусом, спасающися от убийства Иродова; Ты бо, озаряющи светом боговедения умы всех, удаляющихся прелестей суетнаго мира, исторгаяеши из душ их кумиры гнездящихся тамо губительных страстей, темже превозносим Тя словесы сими:

Радуйся, сумнящихся в вере вразумление; радуйся, гордых умом своим смирение.

Радуйся, озлобленных и гневом палимых укрощение; радуйся, ропщущих на промысл Божий с тяготами жизни примирение.

Радуйся, заблуждших на путь спасения наставляющая; радуйся, суевёрных и гадателей посрамление.

Радуйся, развращённых и нечестивых обличение; радуйся, яко душевредныя учения низлагаеши.

Радуйся, яко истину познавати помогаеши; радуйся, яко мрак хулы, срамословия и всякия лжи рассеваеши.

Радуйся, Благодатная Богородице Дево, всеблагая Мати, взыскующая погибающих.

Кондак 7

Хотяще николиже отлучатися от рождённаго Тобою Спасителя мира, Ты, Богоблаженная, пребывала еси с Ним неотлучно во граде Назарете, детоводящи и питающи Его, яко Человека, и поющи в сердце Своём, яко Богу: Аллилуиа.

Икос 7

Нóвую показýючи Мáтернюю любóвь к Сýну Твоемý, со скóрбию иска́ла еси́ Егó, двоюнадесятолётняго Óтрока, во гра́де Иерусали́ме в пра́здник Пáсхи, мнящи Егó во дру́жине быти. Вéдуще таково́е Твоё сердобо́лие, со умилéнием вопи́ем Ти:

Ра́дуйся, оби́димых и огорч́енных возвыша́ющая; ра́дуйся, ненави́димых и все́ми отве́рженных че́стью венча́ющая.

Ра́дуйся, убо́гих и наги́х одея́ние; ра́дуйся, ни́щих и разоре́нных пита́ние.

Ра́дуйся, бездо́мных, стра́нных, вдов и сирóт призре́ние; ра́дуйся, путеше́ствующих благополу́чное к до́му возвраще́ние.

Ра́дуйся, заблúждших в пути́ к жили́щу приведе́ние; ра́дуйся, дете́м неразу́мным ра́зум обновля́ющая.

Ра́дуйся, умо́м и нра́вом просты́х люде́й Своёю по́мощию не оставля́ющая; ра́дуйся, упова́ющих на во́лю Бо́жью наслажде́ние.

Ра́дуйся, Благода́тная Богоро́дице Де́во, всеблага́я Ма́ти, взыску́ющая погиба́ющих.

Кондак 8

Стра́нное и предивное Твоё попече́ние бысть о христиа́нех на всех путéх их жи́зни многомяте́жныя и многотру́дныя; имúще úбо в Тебе́ толи́ко милосе́рдную и незави́стную помо́щницу, вси облагодéтельствованнии Тобóю велегласно пою́т Бо́гу: Аллилу́иа.

Икос 8

Вся была еси со Христом, егда служаше Той роду человеческому, якоже божественный Лука повествует. Приидоша бо неции к Сыну Твоему, глаголюще: Мати Твоя и братия Твоя вне стоят, видети Тя хотяще. Мним, яко Ты, всеблагая Мати, неотступно пребываеши и со всеми труждающимися во славу Божию, и восхваляющими Тя тако:

Радуйся, сущих во власти к торжеству добра наставляющая; радуйся, святителей правило веры и благочестия являющая.

Радуйся, пастырей ревностию о спасении душ чад духовных снабдевающая; радуйся, наставников совершенный разум.

Радуйся, учащихся в науках преспеяние; радуйся, иноком и инокиням в борьбе с прилоги мира и плоти пособляющая.

Радуйся, судей святое зеркало правды; радуйся, врачей искусное врачевание больных.

Радуйся, земледельцев соработнице и благая помощнице; радуйся, всех труждающихся покою и надежное пристанище.

Радуйся, Благодатная Богородице Дево, всеблагая Мати, взыскующая погибающих.

Кондак 9

Всяк вóзраст вѣрныхъ благопóльзуется Твоѣмъ попечѣниемъ, всемѣлостивая Мáти, ꙗко всегда к Тебѣ прибегающимъ душеполѣзная дáруеши, потрѣбная в житии доставляеши и усѣрдно ходáтайствуеши за ны, немощныя и грѣшныя, у престóла Гóспода слáвы, Емúже поѣмъ: Аллилу́иа.

Икос 9

Витѣя многовещáннии не мóгут изглагóлати Твоея Мáтерния печáли, при крестѣ Сына Твоегó бѣвшия, егда видела еси Егó страждуща за вся человеки мýками неизглагóланными; тѣмже, ꙗко искушенная по всяческимъ, претерпѣти в сáмыхъ тяжкихъ скóрбехъ и лишѣниихъ намъ помози́. Сего́ ради взывáемъ Ти:

Рáдуйся, слепымъ прозрѣние; рáдуйся, глухимъ слы́шание.

Рáдуйся, хромымъ хождѣние; рáдуйся, расслабленныхъ тѣломъ исцелѣние.

Рáдуйся, недужныхъ здравие; рáдуйся, стужаемыхъ от бесóв избавлѣние.

Рáдуйся, поврежденныхъ умомъ просвещѣние; рáдуйся, неисцѣльныхъ больны́хъ на Своей всемо́щней рúце приѣмлющая.

Рáдуйся, отчаянныхъ грѣшниковъ молѣние не отвергающая; рáдуйся, от па́губнаго безво́лия ихъ похищающая.

Рáдуйся, Благодáтная Богородице Дѣво, всеблагáя Мáти, взыскующая погибáющихъ.

Кондак 10

Спасти́ хотя́ мир и́же всех Господь, Сый на кресте́, дарова́ всему́ миру́ пресвяту́ю премилосе́рдную Ма́терь, егда́ изрече́ Пренепоро́чней и возлю́бленному ученику́: Же́но, се сын Твой, и: Се Ма́ти тво́я. Благодаря́ще за си́е всеблага́го Бо́га, глаго́лем Ему́: Аллилу́иа.

Икос 10

Стена́ крѣпкая яви́лася еси́ по завету́ Го́спода, Преблагословѣ́нная, да́рующи всемъ благоде́нствие, мир, отра́ду, ра́дость, я́ко и Сама́ сия́ от воскрѣсшаго Христа́ Спа́сителя́ прия́ла еси́, услы́шавши от Него́ привѣтственны́й гласъ:

Ра́дуйся, я́ко ублажа́ют Тя вси ро́ди; ра́дуйся, всякую́ не́нависть, злѡбу, вражду́ укроща́ющая.

Ра́дуйся, мир о Ду́се Свя́те в сердца́ ве́рных вселя́ющая; ра́дуйся, клевету́, ре́вность и злопа́мятство истребля́ющая.

Ра́дуйся, братолю́биемъ лю́ди ущедря́ющая; ра́дуйся, от гла́да, хла́да, тру́са, пото́па, огня́, мечá огражда́ющая.

Ра́дуйся, хле́бомъ насущнымъ ве́рныя пита́ющая; ра́дуйся, смертоно́сную я́зву прекраща́ющая.

Ра́дуйся, гневъ Бо́жий пра́ведный утоля́ющая; ра́дуйся, пра́ведныхъ делъ поспеше́ние.

Ра́дуйся, на всехъ путѣхъ жи́зни христиа́н промы́шление; ра́дуйся, роди́телей благона́виемъ дете́й утеша́ющая.

Ра́дуйся, Благода́тная Богоро́дице Де́во, всеблагáя Ма́ти, взыску́ющая погиба́ющих.

Кондак 11

Пе́ние на́ше смире́нное, от полно́ты любве́ и усер́дия Тебе́ приносíмое, не прэ́зри, Богоневéсто, и не отврати́ся от нас, грéшных и недостóйных, но помози́ нам очíститися от вся́кия сквэ́рны плóти и дýха, да возмо́жем достóйно и пра́ведно пéти Бо́гу: Аллилúиа.

Икос 11

Свéтом путево́дящим яв́илася еси́ апóстолом, Богороди́тельнице, по вознесéнии Сы́на Твоегó на нéбо; сегó úбо свéта, о Всепéтая, не лиш́и всех, да́же до сегó дне оста́вльшихся и хотя́щих спаст́ися и в рáзум íстины приит́и. Твои́м святы́м водíteльством и нас спаси́, в житéйском мо́ре трево́лнэньми обурева́емых, обáче от сердца́ принося́щих Тебе́ благохвалéния такова́я:

Ра́дуйся, неч́истыя пóмыслы пожига́ющая; ра́дуйся, искушéния и собла́зны от нас прогоня́ющая.

Ра́дуйся, к пока́нию и исправлéнию ж́изни на́шея подвиза́ющая; ра́дуйся, слезáми сокрушéния бэ́здну беззакóний на́ших омыва́ющая.

Ра́дуйся, духо́вно бо́дрствовати нам помога́ющая; ра́дуйся, к трезвéнию и молítве вéрныя приводя́щая.

Ра́дуйся, блаже́нство дýха тем уготовля́ющая; ра́дуйся, подви́жников благоче́стия я́вное укреплéние.

Ра́дуйся, Благода́тная Богоро́дице Де́во, всеблагáя Ма́ти, взыску́ющая погиба́ющих.

Кондак 12

Благода́ть божественную испроси́ нам у Сы́на Твоего́ и Бо́га, простри́ ру́ку по́мощи, да не поги́бнем во гресéх и лю́тых обстоя́ниих, находя́щих на ны от враг ви́димых и неви́димых; умиротвори́ на́ша сердца́, зло́бою и враждо́ю исполненная, да утэ́шени Тобо́ю, ра́достно зове́м Бо́гу: Аллилу́иа.

Икос 12

Пою́ще честное́ Твое́ успéние, прославляем и покрóв Твой святы́й, распростёртый над всем ми́ром, наипáче же родо́м христиáнским, прославля́ющим Тя та́ко:

Ра́дуйся, пока́нием ко исхо́ду от сея́ жи́зни нас приуготовля́ющая; ра́дуйся, боле́знями от грехо́в очища́ющая.

Ра́дуйся, я́ко от напрáсных смéрти ве́рныя сохраня́еши; ра́дуйся, я́ко послéдняго напúтствия досто́йныя сподобля́еши.

Ра́дуйся, смéртный страх от тех удаля́ющая; ра́дуйся, ско́рое разрешéние ду́ши от те́ла в предсмéртных му́ках находя́щимся посыла́ющая.

Ра́дуйся, ми́рную кончи́ну животá на́шего да́рующая; ра́дуйся, го́рьких мыта́рств избавля́ющая.

Ра́дуйся, христи́анскаго погребѣния нас не лишáющая;
ра́дуйся, ко Го́споду, Сы́ну Своему́, о нас
предста́тельствующая.

Ра́дуйся, и в жи́зни и по сме́рти с на́ми пребыва́ющая;
ра́дуйся, ра́досте на́ша, двѣри ра́йския нам отверза́ющая.

Ра́дуйся, Благодáтная Богорóдице Дѣво, всеблагáя Мáти,
взыску́ющая погибáющих.

Кондак 13

О Влады́чице мíра! Приими́ сие́ ма́лое благодарѣние на́ше, от всего́ сѣрдца Тебѣ приносíмое, и не попусти́ нам николи́же охладѣвати в сем благодар́ном чýвстве, но вразуми́ нас всегда́ по́мнити Твоя́ неисчѣтныя мíлости и со слезáми умилѣния вопíти о Тебѣ Бо́гу: Аллилу́иа.

Этот кондак читается трижды, затѣм 1-й икос «Ангельский услы́ша ...» и 1-й кондак «Возбра́нной Воево́де ...».

Моли́тва первая

О, Пресвятáя и Преблагословѣнная Дѣво, Влады́чице Богорóдице! При́зри мíлостивым Твои́м о́ком на нас, предстоя́щих пред святою ико́ною Твоёю и со умилѣнием моля́щихся Тебѣ, воздвигни нас из глубины́ грехóвныя, просвети́ ум наш, омрачѣнный страстьми́, и уврачу́й я́звы душ и телѣс на́ших. Не íмамы ины́я по́мощи, не íмамы ины́я наде́жды, развѣ Тебѣ, Влады́чице, Ты вѣси вся нѣмощи и согрѣшѣния на́ша, к Тебѣ прибега́ем и вопи́ем: не оста́ви нас Твоёю Небѣсною по́мощию, но предста́ни нам прíсно и Твои́м неизречѣнным милосѣрдием и щедрóтами спаси́ и помíлуй нас, погибáющих. Дáруй нам исправлѣние грехóвныя жи́зни

на́шея и изба́ви нас от скорбе́й, бед и боле́зней, от напрáсных сме́рти, а́да и вéчныя му́ки. Ты бо, Цари́це и Влады́чице, ско́рая Помо́щница и Засту́пница всем, притека́ющим к Тебе́, и крѣпкое прибе́жище грѣшников ка́ющихся. Пода́ждь у́бо нам, Преблагáя и Всенепоро́чная Дѣво, христиáнский ко́нec живота́ на́шего, ми́рен и непосты́ден, и сподо́би нас Твои́м ходата́йством вселит́ся в оби́телях Небе́сных, иде́же непреста́нный глас пра́зднующих ра́достью сла́вит Пресвяту́ю Трѳицу, Отца́, и Сы́на, и Свята́го Ду́ха, ны́не, и прѳсно, и во ве́ки веко́в. Ами́нь.

Моли́тва вторая

Засту́пнице усѣрдная, Благоутро́бная Го́спода Ма́ти, к Тебе́ прибега́ю аз, ока́янный и па́че всех челове́к грѣшнейший, вонми́ гла́су молѣния моего́, вопль мой и стена́ния услы́ши, я́ко беззакония моя́ превзыдо́ша главу́ мою́, и аз, я́коже кора́бль в пучи́не, погружа́юся в мо́ре грѣхо́в мои́х. Но Ты, всеблагáя и Милосѣрдая Влады́чице, не прѣзри мене́, отча́яннаго и во грѣсѣх погиба́ющаго; помѳлуй мя, ка́ющагося в злых дѣлах мои́х, и обрати́ на путь пра́вый заблуд́шую ока́янную ду́шу мою́. На Тебе́, Влады́чице моя́ Богоро́дице, возлага́ю все упова́ние моѳ. Ты, Ма́ти Бо́жия, сохрани́ и соблюди́ мя под кро́вом Твои́м, ны́не, и прѳсно, и во ве́ки веко́в. Ами́нь.

Моли́тва третья

О Пресвята́я Дѣво Богоро́дице, премѳлостивая Ма́ти всех христиáн, наипáче же скорбя́щих, гонѳмых и многоразли́чными недуги одержи́мых! Аз, нищ сый и убѳг

душею и телом, предстою пред святым Твоим образом со слезами и умолю прошу Твоего благодатного призрения, ничтоже бо доброе и благое во мне есть: весь обложен есмь немощми, нищетой и убожеством; нозе мои не обуваны, дабы поспешати ми на дела святая и богоугодная; руки мои загрязнены от множества содеянных беззаконий; очи мои потуплены от нечистоты совести, не возмогут взирати на благолепие красоты Твоея; лице мое потемнено и испещрено печатю безчисленных моих пороков и грехопадений. Несть во мне ни спасительная вера, ни утешительная надежда, ниже благостынная любовь. Аз есмь яко гнилостный сосуд, преисполненный всякия скверны, гордости, себялюбия, высокоумия, тщеславия, гнева, раздражительности, злобы, памятозлюбия, недоброжелательства, зависти, ревности, осуждения, ропота, злословия, празднословия, лукавства, лести, обмана, невоздержания душевных и телесных чувств, пристрастия, плотоугодия всякаго, сладострастия и иных тьмочисленных страстей; и всякое убожество мое духовное, и телесныя болезни, и напасти обдержаша мя, и все житие мое, яко трость, колеблемо ветром, полно недостойнства, страха, и всякия опасности; по глаголу святаго апостола, беды напаша отовсюду на мя; беды от духов злобы поднебесных, беды от ненавидящих и обидящих, враждующих противу мене человек; беды от зверей, скотов и гад земных, беды от стихий мира: молнии, огня, воды, тлетворнаго воздуха, хлада, глада; беды от многих немощей и болезней моего тела; беды на пути и в дому, беды во дни и

нощй. Кто же мя от врагов избавит, кто к доброте дел направит, кто болезни моя исцелит, кто утешит и успокоит, вразумит, наставит, спасет и помилует мя, аще не Ты, Пресвятая Мати, заступнице и покровительнице всеблагая! Ты рассеянный мой ум собери, помыслы от всякия скверны очисти; чувства, отравленная злом, освежи; волю мою немощную на все доброе укрепь и от пагубнаго безволия мя избави; сердце мое от страстей свободи и святою любовью к Богу и ближним наполни; всю внутреннюю храмину мою устрой и удобным жилищем Духа Святаго содейлай. Не остави мя, премилосердная Владычице, в телесном моем многоскорбном житии. Болезни потреби, враги видимыя и невидимыя разжени, злая обстояния разруши, страх, приходящий от духов злобы и человеков, хотящих мя погубити, отжени. Вся потребная и нужная ми даруй; бодрость духа послы; да обновленный, да очищенный, да утешенный Тобою, Царице моя пресвятая, прославлю Святую Троицу, Отца и Сына и Святаго Духа, и Твое дивное о мне попечение ныне и присно и во веки веков. Аминь.